



Patreksfjörður 2.1.2020

Sendandi: Strandveiðifélagið Krókur – félag smábátæigenda í Barðastrandarsýslu

Umsögn um:

Mál 328/2019 - Drög að reglugerð um hrognkelsaveiðar 2020

Ekki teljum við að hægt sé að eiga hér málefnanlegar umræður um þá íþyngjandi reglugerð sem sjávarútvegs- og landbúnaðarráðherra, Kristján Þór Júlíusson hefur nú lagt fram, þar sem hún er lögð fram sem hefni-útspil ráðherra til að knýja fram stuðning við kvótasetningarfrumvarp hans.

Ráðherra kallar eftir auknu eftirliti vegna meðaflamælinga sem eru eins óvísindalegar og hugsast getur þar sem meðafla fyrstu róðra var uppreiknaður á alla vertíðina, og bent hefur verið á þessa fráleitu mæliaðferð af forsvarsmönnum LS.

Ráðherra hefur ítrekað sagt það ekki koma til greina að gera breytingar á núverandi kerfi þegar LS hefur lagt til breytingar s.s. að fá að taka hlé á veiðum (ætlað til að forðast óæskilegan meðafla og vera ekki á veiðum í ótíð) því það myndi kalla á of mikið eftirlit, en þegar ráðherra leggst svo lágt að framkvæma áður gefnar hótanir um íþyngjandi reglugerð á grásleppuveiðar vegna þess að hann hafi verið gerður afturreka með kvótasetningu, þá er hægur leikur að gera töluvert af breytingum og alveg nóg til af mannskap í eftirlit (en grásleppuveiðar hlýta nú fyrir mesta eftirlit alls veiðiskaps eða 14% eftirlits á 0,4% heildarafla). Allar þessar íþyngjandi reglur hljóta þá að vera jafn nauðsynlegar forsendur fyrir útgefnum veiðileyfum verði af kvótasetningu á grásleppu, og nauðsynlegt að bregðast á sama hátt við vegna meðafla (hákarlar, hnýsur, selir og fuglar) á þorsknetaveiðum, voð- og trollveiðum.

LS hefur alltaf ályktað gegn kvótasetningu á grásleppu og gerir enn (meirihluti grásleppuleyfshafa og félagsmanna almennt), og njótum við stuðnings um það innan þingsins. Ráðherra er nú að framfylgja hótunum frá fundum með forsvarsmönnum LS um íþyngjandi reglugerð þar sem kvótasetningarfrumvarp sé fast innan þingflokka Framsóknar og VG, og fyrirséð að menn myndu hér frekar kalla eftir kvótasetningu en að fá yfir sig þessa reglugerð sem ráðherra getur sett á án aðkomu þingsins.

Strandveiðifélagið Krókur fer fram á að Kristján Þór Júlíusson segi sig frá málefnum smábátasjómannanna og að umrædd reglugerð verði dregin til baka.

F.h. strandveiðifélagsins Króks

Einar Helgason, formaður